


來安縣志



憲委署來邑事喜其習俗淳而
人情樸竊擬脩其乘書脩一方
文獻以澤來人於風雅庶克副
觀文化成之心顧以鞅掌簿書
日不暇給有志而未逮歲壬子
荷

皇上特恩簡牧滁州涖任之次年春
值余歲試三屬儒童來安伍令
斯瓚暨學博項子世榮姚子文
默因公赴州咸以邑乘缺遺急
需纂脩為請而伍令又亟稱項
子學老識精足當斯任適與余

初念有合遂欣然許之然猶未
敢冀其事之遽有成也至今年
八月項子來謁特以志稿呈謂
既與伍令纂訂成帙而請余言
裁定之余一顧而喜以來志果
克有成也及流覽終卷則已舉
百餘年未脩之志靡不訂疑補
缺整其舊而鼎新之因知項子
悉力校讎洵有其難其慎者故
泚筆於甲寅十月至乙卯八月
而後告竣蓋來安全志於是
有成書將彙之一統志而登於

朝廷亦足見僻壤遐陬尚傳文獻
不至如杞宋無徵重為司牧咎
矣抑又念來志之脩余素願也
今得此書之詳慎以垂久長固
見宰斯邑者之繫心文獻秉斯
鐸者之殫精纂脩用能補此百
年曠缺以惠來安而余亦因而
成其夙志不綦慰乎今而後有
閱是書而識所興觀相與訖雅
揚風廣其善心克致其身於人
物諸傳之後以為來邑光則是
書之脩為不虛矣是為序

省

雍正十三年歲次乙卯仲秋滁州

刺史平陵楊大勳撰



來安縣志序

滁爲南省輔郡而來安乃其屬邑地
逼江淮重山環亘雖若偏隅實居要
害物產旣饒民風亦厚故凡勸相有
方激裁有道則可以充國賦裕民食
興禮讓是亦江南一勝區也顧宋元
至明初邑無專志故實茫無可稽良
足慨已明嘉靖間魏令大用始立專
志天啟間周令之冕重脩之及今百
有餘載雖康熙中本州曾有續編而
什遺八九無以爲訓所存周志舊板
亦已斷殘居半觀者憾焉余自雍正
庚戌承乏此邦覽其山川道里察其
土物人民伏念我

皇上禮延名士纂脩一統全志以光文獻
甚盛典也來邑雖小亦在

聖朝仁漸義摩之中瓊卽不敏若非蒐羅
遺佚以成一邑之書其何以備採風
而揚文治乎顧歲時多沴省巡是亟
又簿書在前方憂其叢脞未遑也歲
癸丑秋成頗稔事簡民和二三耆士

序

二

適以脩志爲請余廼復加繙閱而慮
見聞不廣未免以漏遺滋疚於是與
學博兩公商之當是時姚公已有歸
志以其事專推項公而項公又舉星
渠魏君以代居無何魏君南歸姚公
告老去項公又兼署州學往來課士
靡有暇時余以情殷勢阻悵悒者久

之迨項公歸復懇詞以請迺鑒余誠而許焉於是舉百餘年之事羅列而貫穿之自春而夏漸有端緒然猶以傳聞異辭耳目難周爲懼時適有願効力者六人皆庠彥也因使共襄厥事迄八月中彙成全帙舉而示余且以筆削請余觀是書其於疆域山川

序

三

學校祠宇衙署官師人物亦旣綱舉目張有倫有脊較諸前志固已缺者完畧者備矣余何加焉旣又謂余曰志莫難於人物蓋史兼書善惡以昭勸懲志則專紀善不錄惡而勸懲亦寓是不可不嚴非公親加筆削奚以服衆而行遠耶余乃難於重違弗揣

固陋稍爲裁節以成項公之遜志云
至若體要中仍留善善欲長之意則
余與項公實有同然之心蓋旣以彰
直道亦以長淳風也抑瓊竊有感焉
來安幅員廣長殖蕃土厚觀田里之
日辟戶口之日繁卽知天施地生非
獨優于通都大郡而偏嗇於彈丸小

序

四

邑明矣顧邑中人氏能以淳樸永其
年能以清苦成其節而丰裁卓越材
武奮揚者常石周嚴之外落落如晨
星欲以仰副

聖朝求賢若渴廣敷教澤之恩將奚藉乎
意者閱此志而有慨然興起者相與
勤學問裕經綸奮跡天衢劬勩盛治

則可以愜余與項公之夙懷而此志
之聲名文物足與史冊相輝耀有不
特爲滁陽下邑之小志也者余且且
暮歟之矣

皆

雍正十三年十月知直隸滁州來安
縣事護理滁州印務新建伍斯瓊序

序

五



來安縣志序

今天下大一統薄海內外悉隸版圖
唐虞以來幅幘之廣未有若斯之盛
者也廼者

天子特命儒臣纂修一統志以昭同文之
治於是畿輔省會郡邑莫不有志用
以上之

孔序

朝廷以資考鑑贊成一代鉅典志之有關
顧不偉哉來安爲滁輔邑雖僻處山
陬然枕江襟淮實江南北之門戶邑
有專志自明嘉靖年魏君大用始天
啟年周君之冕曾修之迄今百有餘
歲簡多殘缺伍君來蒞縣事越再期
政通人和百廢具舉時以邑乘蕩沒

爲愧因請之本州

楊憲臺隨薦學博項君纂修之事專以任之而分類以編者諸學彥也伍君則捐俸薪佐膏火往來局中與項君再三叅考歷期年而志以成昔朱紫陽守南康下車卽詢郡志驗民風以施政教論者以爲知務伍君其亦各憲

有焉歲乙卯伍君以材能調任余奉題委來署縣事取成書閱之見者缺補斷者續犁然就理披誦之下敢無一言以列于簡次乎夫前人之克勞後人之逸也前事之不沒後事之規也當茲

景運方隆文教覃被遐方異域靡不負版
來王使介在一區而其地之故實紀
載缺遺一旦輜軒至止問形勝不知
問風俗不知問人物不知其何以無
忝厥職仰佐昇平之治乎是此志之
修邑之幸亦余之幸也伍君洵所知
務抑因之有感焉夫城郭具存何以

固之士田滋廣何以治之戶口日增
何以保之習尚漸華何以教之忠義
節烈何以厲而揚之科名仕宦何以
振而興之凡皆守土之責也余雖不
敏敢受若職而忘若事乎則此志之
修誠于治道大有裨益而余之明鑒
抑亦凡宰斯邑者之明鑒也夫是爲

序


峇

雍正乙卯嘉平月上浣 穀旦

署江南直隸滁州來安縣知縣兼護
理滁州印務判直隸廣德州事加三
級紀錄四次闕里孔傳檀題

孔序

四



來安縣志序

余自雍正九年秉鐸是邦取其邑志
觀之竊疑魏侯草創固難詳備繼以
周侯脩輯自應先後有章重輕有序
矣尙何混畧如此矧今又歷百有餘
載若非邑長稍加脩續使有稽考其
於我

序

一

聖朝昌明文教之盛治將奚以禪其萬一
乎因與邑侯伍先生亟商其事侯固
西江宿學爲甲午名魁聞余言謂比
年久有是心將思所以訂而增之余
乃述其意於司訓姚簡翁姚翁曰侯
將脩志誠知務矣雖然侯辛勤庶務
夙夜不遑又爲

上憲所知一切鄰境勘災撲蝗查積
貯訊疑獄協交代鮮不委之侯者其
勞也如是又安得及此繁難事哉歲
甲寅適以公事在州姚翁誦余於
憲臺楊公楊公屬之伍侯侯歸卽舉
志事相委余懼不敢當特舉同年友
魏星翁以自代蓋魏亦西江宿儒侯

序

二

故人也未幾魏翁以事歸姚翁又告
老去侯復懇詞敦請余感其意之誠
言之切也又念姚魏兩翁皆去而余
又固讓是使脩明文獻之成心自余
而阻之也於是不敢復辭由十月下
旬日勤纂輯侯則頻來冷署次第觀
覽隨供紙筆膏火迄歲終十舉二三

入春首選辦州考院考寓州日多四月歸重事纂輯漸有條貫而我侯意在速成有諳侯意者願以贊襄自効余乃就黌宮設局而諸生張瑀夏濬武毓璿王琮周道貴賀際昌咸簪筆以從侯又牒給張武二生薪水與夏生筆札侯誠志遜而務敏者矣柰邑

序

三

無遺獻可徵余又不敢率憑胸臆致乖體要故由冬迄夏閱八月而諸編始具且又分更分漏再三校讎者兩月爰綜其全而序之首沿革次疆域定其地也地定而仰以觀乎天文故次星野而祥異附之俯以察乎地理故次山川而城池繼之有城池始可